



Inatsisartunut ilaasortaq Doris Jakobsen, Siumut
-/Maani

Savissimimmi nalunaarsuartaatitigut attaveqaatit pillugit § 37 naapertorlugu apeqqummut nr. 2011-61-imut akissuteqaat

Asasara Doris Jakobsen

Saaffiginnissutinnut qujanaq. Imaattumik apeqquteqarputit:

Savissivimmi attaveqaatit sivisoorsuarmik attaveeruteqqanerisa kingornatigut, Naalakkersuisut aammalu Tele Greenlandip taamatut pisoqaqqinnnginnissaa qulakkeerniarlugu qanoq suliniuteqarpat?

Savissivimmi attaveerunnermut tunngatillugu TELE Greenland ilisimatitsivoq sivirusumik attaveqannginnermut pissutaasut tassaasut teknikikkut ajornartorsiutit, tamatuma malitsigisai, timmisartuussinikkut periarfissaqarpiannginnera silarlunneralu.

Taamaattumik TELE Greenland ingerlatsinermit siunnersortimik januaarip ulluisa 29-anni aatsaat Savissiviliartitsisinnaasimavoq. Ingerlatsinernulli siunnersortip ajoqutaasooq aqqissinnaasimangilaa, taamaattumillu januaarip ulluisa 31-anni Nuummit Pituffimmut kingoraartissanik nassiussisoqarsimalluni, aammalu februaarip ulluisa arfineq pingajuanni ingerlatsinermit siunnersorti Qaanaamit kingoraartissanik Nuummeersunik aallerluni Pituffikkoorluni Savissiviliarluni taakkuninnga ikkussuivoq. Taamaattorli ajornartorsiut kingoraartissat nassiunneqartut atorlugit aqqinneqarsinnaasimangilaq taamaattumillu kingoraartissanik nutaanik aamma nassiussisoqartariaqarsimalluni. Kingoraartissat februaarip ulluisa 18-ianni tikissimapput ingerlatsinernullu siunnersorti Qaanaamit aallarsimavoq silarlunnerali pissutigalugu Pituffimmi utaqqisariaqarsimalluni aatsaallu februaarip ulluisa 21-anni Savissivimmut apuussimalluni, aammalu nalunaarsuartaatitigut attaveqaatit februaarip ulluisa 22-anni ingerlaqqilerlutik.

Saaffiginnissutinni Savissivimmiut avammut attaveqarsinnaasimanginnerat ernummatigaat. Tamannali eqqunngilaq. Ingerlatsinermit siunnersortip ajoqutaasooq januaarip ulluisa 29-anni aqqissinnaannginnamiuk Iridium satelettelefonini angallattagaq nunaqarfimmi mekanikerimut qimappaa nunaqarfik avammut attaveqarsinnaaniassamat.

Ilumoorputilli taama sivirusutigisumik attaveqannginneq innuttaasunut akornutaammat. Isumaqarpungali attaveqannginnerup januaarip ulluisa 26-annit februaarip ulluisa 22-annut sivirususeqarneranut TELE Greenland pisuutinneqarsinnaanngitsoq. Akerlianik isumaqarpunga ingerlatseqatigiiffik nalunaarsuartaatitigut attaveqaatit pilerseqqinniarlugit sukumiisumik ataavartumillu sulisimasooq. Taamaattumik

11. marts 2011
Sagsnr. 2011-046834
Dok. Nr. 583279

Postboks 909
3900 Nuuk
Tlf. (+299) 34 50 00
Fax (+299) 34 54 10
E-mail: iaan@nanoq.gl
www.nanoq.gl

isumaqarpunga attaveqannginnerup sivissussusia Savissivimmiut assersuutigalugu Nuummiunit kingullunneqarnerannut takussutissaasoq. Qanorluunniit piareersimaniartigigaluarutta nunami isorartuumi inissisimaneq pissutigalugu kingoraartissat teknikikkullu ikiortissat Savissivittut inissisimasumut apuunnissaat sivisuumik ingerlasussaavoq.

TELE Greenland ilisimatitsivoq pisup sukumiisumik paasiniaaffigineqarnissaa ingerlatseqatigiiffiup sulissutigigaa, siunissami taamatut pisoqaqqinnginnissaa anguniarlugu.

Tamatuma saniatigut TELE Network Operations Centers (NOC) Nunatsinni attaveqaatit tamaasa nakkutigisarai. NOC ullut tamaasa nal. 7-22 sulisoqartinneqarpoq ajornartorsiutillu pilersut tassani, ajoqutaasup pilivissunnginnerani paasineqarlutillu aaqinneqartarput. Savissivimmisut attaveeruttoqartillugu tamanna taamatutaaq immikkoortortami tassani paasineqassaaq. Piffissap qulaani taaneqartup avataani aamma TELE Greenlandimi nuutsisarfirmut sineriammiluunniit radiumut (Asiaat Radio) nalunaaruteqartoqarsinnaavoq.

Taamatutaaq TELE Greenland nuna tamakkerlugu teknikereqarpoq, taamaalillutik ajoqutit piarnerpaamik aaqinneqarsinnaallutik. Pisariaqassappat sumiiffimmut teknikerinik allanik timmisartuussisoqassaaq. TELE Greenland naapertorlugu ingerlatseqatigiiffiup Air Greenland A/S suleqatigilluarpaa, salliutitsilluni timmisartuussisoqarsinnaanngorlugu. Tamatuma saniatigut nalunaarasuartaateqarfanni tamani sillimmatissamik battereeqartitsisoqarpoq nalunaarasuartaateqarfimmut ullut marluk angullugit innaallagialersuissutaasinnaasunik. Nanortallip Uummannallu akornanni pingaarnertut radiut attaveqatigiiaat qamittoortillugit attaveqaatinik atuneq satellitikkoortinneqalersinnaavoq. Taamaattorli satellitikkoortinneqarsinnaasut killeqarmata TELE Greenland nalilivoq tamanna kiffartuussinernut tamanut atorneqarsinnaanngitsoq taamaattumillu imarsionermi ajutoortoqalernerani isumannaallisaanermilu kiffartuussineq salliutinneqarluni.

Kiisalu upalungaarsimanissamut, ajornartorsionernik aqutsinissamut periusissaliortoqartarpoq ingerlatseqatigiiffiullu politikkiinik ingerlatitseqqittoqartarluni ukiut tamaasa nutarterneqartartunik.

Teknikikkut ineriartornermut peqatigitillugu TELE Greenlandip nalunaarasuartaateqarfanni atortut sapinngisamik kingoraartissaqartittarpai taamaalilluni Nunatsinni sumiiffinni tamani aalajaallisaanissaq qularnaarniarlugu.

Naalackersuisut maannamut politikeraat TELE Greenlandip qamittoornernik pinaveersaartitsinermut pilersitseqqinnissamullu akisussaanera. Isumaqarpunga TELE Greenlandip maannakkut upalungaarsimanera qulaani taagorneqartoq naammattoq. Taamaattumik Naalackersuisut suliniutinik annertunerusunik aallartitsilersaanngillat.

Inussiarnersumik inuulluaqqusillunga